

Togafitia o le fa'a'ī tigā i se tui penisini e tasi

Ua lua malilie ma lau tama o le a faia sona tui e tasi o le vaitui (antibiotics) ua fa'aigoaina o le tui penisini (penicillin). O lenei tui e tasi o le a togafitia ai le faa'ī tigā. Afai e lē togafitia, o le a mafai e lena fa'a'ī tigā ona maua ai i le fiva rumatika. O le fiva rumatika o se ma'ī tugā tele, ae e mafai ona puipua mai le a'afia ai.

Afai e fai se tui penisini se tasi o lou alo, o le a togafitia ai i lena lava taimi lona fa'a'ī tigā. Ona lē toe tau popole ai lea e tau manatua le fa'ainuina o lana vaitui mo le 10 aso.

O le tui penisini e tasi o le a togafitia ai na o le fa'a'ī tigā o lo'o tupu i le taimi nei. Afai e toe tigā le fa'a'ī o lou alo i se isi taimi, e tatau lava ona toe ave e siaki.

Mo nisi fa'amatalaga i le fiva rumatika, asiasi i le: <http://rheumaticfever.health.govt.nz>

E fa'afefea ona faia lenei tui?

O le a fa'ata'oto fa'afaō lou alo ae tui le itu o lona nofoi i le mea o lo'o i ai le maso malosī. O le vaega lenei e la'itiiti lona tigā pe a tui. O lo'o aofia ai i le tui sina vaila'au fa'agase e fa'aitiitia ai le tigā.

E tatau lava ona fa'atali lou alo i le falema'ī mo le 20 minute pe a uma ona fai le tui ina ia fa'amautinoa ai e leai sona afaina i le tui.

O ā ni mea e tatau ona nofouta i ai mai le tui?

O le a tigā le nofoi o lou alo pe a uma le tui. Mo nisi tamaiti, e ono atoa le aso pe sili atu o lagona pea lenei tigā. Afai e tigāina tele lou alo, e mafai ona e avea i ai se fualaau po'o se vai o mea tigā e pei o le ibuprofen po'o se paracetamol (ia mulimulita'ia fa'atonuga mai le tou foma'i).

O nisi tamaiti e o'o ina pata le tino pe fia fa'asuati fo'i. Afai e tupu lenei tulaga i le aso lava na faia ai le tui, fa'amolemole ia vave fa'afeso'ota'i lau foma'i, po'o se tausī soifua. E mafai fo'i ona e vala'au i le Healthline i le 0800 611 116 pe afai e i ai ni ou popolega.

rheumaticfever.health.govt.nz